

四庫全書

經部

欽定四庫全書

周禮注疏卷四十

漢鄭氏注 唐陸德明音義 賈公彥疏

輶人為輶注輶車輶也詩云五檠梁輶音義

輶張留反方言云楚

衛之間輶謂之輶檠音木本又作檠同

疏釋曰按三千工無輶人之官但車事是難故車官別主此職也

注釋曰云詩云五檠梁輶者秦詩引之者證輶是車輶之事彼注云檠歷錄也梁輶上句衛也一輶五束束有

歷錄是也輶有三度軸有三理注目下車度深淺之數疏

注釋

曰云度深淺之數者四尺七寸之等是也

國馬之輶深四尺有七寸注國馬

謂種馬戎馬齊馬道馬高八尺兵車乘車軹崇三尺有三寸加軹與鞮七寸又并此軹深則衡高八尺七寸也

除馬之高則餘七寸為衡頸之間也鄭司農云深四尺

七寸謂轅曲中音義

種章勇反齊側皆反鞮音卜舊方木反又音僕

疏

注釋曰知國馬

謂種戎齊道者校人馬有六種下文有田馬騶馬明此四者當國馬也廋人云馬八尺以上為龍故鄭云高八尺云兵車乘車軹崇三尺有三寸者上文云兵車輪崇六尺有六寸軹崇三尺三寸加軹與鞮四尺是也云餘七寸為衡頸之間也者按下文注衡圍一尺三寸五分寸之一頸圍九寸十五分寸之九并尺三寸與九寸為二尺二寸衡圍五分寸之一於十五分寸之九當得十五分寸之三并頸圍十五分寸之九為十五分寸之十

二圍三徑一二十一寸徑七寸餘有一寸十五分寸之
十二一寸復分之為十五分通前十五分寸之十二為
二十七徑得十五分寸之九此九分當為馬頸低消之
先鄭云深四尺七寸謂轅曲中者此據輿以上而言故
後鄭從
田馬之輶深四尺注田車軹崇三尺一寸半并
之也

此輶深為七尺一寸半今田馬七尺衡頸之間亦七寸

則軹與轆五寸半則衡高七尺七寸疏

注釋曰鄭以上文田車輪崇六

尺有三寸軹崇三尺一寸半并此輶深四尺為七尺一
寸半加軹與轆五寸半總七尺七寸駕馬高七尺則七
寸亦衡頸之間消之也知加軹與轆五寸半不七寸者
亦約軹崇與兵車軹崇校寸半明軹轆亦校寸半也云
田馬七尺者亦約廋人馬七尺曰駮以其兵車乘車駕
國馬明田車駕駮馬也以此約之明役車駕駮馬也

駕馬之輶深三尺有三寸注輪輶與軫轆大小之咸率寸半也則駕馬之車軹崇三尺加軫與轆四寸又并此

輶深則衡高六尺七寸也今駕馬六尺除馬之高則衡

頸之間亦七寸音義

咸本又作減同洽斬反率音類又音律下同

疏

注釋曰鄭以田

車之輪下於兵車乘車軹崇及軫轆皆枚減一寸半則駕馬是六尺之馬所駕之車又宜下故知輪輶軫轆大小之減率例一寸半與田車減兵車乘車同也是以鄭解駕馬之車皆減田車一寸半也若然衡頸之間同七寸著車雖有高下至於衡頸不得不同故下云小於度謂之無任衡頸用力是同是以不得有麤細

軸有

三理一者以為媿也注無節目也疏

釋曰上文雖輶與軸並列輶有三度

已言軸有三理未說故於此重起端序耳云
一者以為微也者無節目是軸之美狀也
二者以為

久也注堅刃也三者以為利也注滑密軌前十尺而策

半之注謂輶軌以前之長也策御者之策也十或作七

合七為弦四尺七寸為鈎以求其股股則短矣七非也

鄭司農云軌謂式前也書或作軛玄謂軛是軌灋也謂

輿下三面之材輶式之所封持車正也音義軌劉音犯注同軛音

犯封音樹疏注釋曰云軌謂車式式前十尺謂轅曲中而策半之半之策則五尺矣言策者策以禦馬欲取

策與輶長短相准合度之意也云十或作七合七為弦四尺七寸為鈎以求其股股則短矣者七七四十九四

丈九尺四四十六丈六尺七七四十九又得四尺九寸并之二丈九寸算灋以鈎除弦以二丈九寸除四丈九尺仍有二丈八尺一寸在然後以求其股以二丈八尺一寸方之為五尺一方五五二十五用二丈五尺為方五尺也餘有三尺一寸皆以方一寸乘之得三百一十寸方之三百寸得廣六寸長五尺中分之禪前五尺之方一廂得三寸角頭方三寸三三而九又用一寸之方九餘有一寸之方一在總得方五尺三寸餘方一寸以此言之則軌前惟有五尺三寸不容馬故云股則短矣七非也云書或作軹玄謂軹是軌灋也謂與下三而之材轉式之所封持車正也者若然經作軌字不為軹先鄭以軌為式前後鄭從古書軹不從軌者以軹為灋是定雖有少儀祭軌字為車旁凡與此古書車旁已字雖異同是式前若作軌則不可軌謂轍廣轂末亦為軌故少儀云祭左右軌軌即轂末考工經涂凡任木注目車九軌軌即轍廣是軌不定故從軹也

持任之材疏

釋曰此與下經為目任木即下云任正以下是也

任正者十分其

輈之長以其一為之圍衡任者五分其長以其一為之

圍小於度謂之無任注任正者謂與下三面材持車正

者也輈軌前十尺與隧四尺四寸凡丈四尺四寸則任

正之圍尺四寸五分寸之二衡任者謂兩軌之間也兵

車乘車衡圍一尺三寸五分寸之一無任言其不勝任

音義

隧雖遂反軌於

疏

釋曰任正與衡任麗細不同者各有所宜故不同也是以云小

於度謂之無任無任謂折壞不任用也注釋曰各任正者此木任力車輿所取正以其兩輈之所樹於此木較

式依於兩軻故曰任正也云三面材者此木下及兩旁見面其上面託著輿板其面不見故云三面材也云軻軻前十尺與隧四尺四寸凡丈四尺四寸者以其經云輻則軻前與下總是輻故鄭通計之一丈得一尺四尺得四寸四寸者一寸為五分四寸為二十分得二分故云任正之闊尺四寸五分寸之二云衡任者謂兩軻之間也者服馬有二一馬有一軻軻者危馬領不得出云兩危之間則當輻頸之處費力之所者也云兵車乘車衡圍一尺三寸五分寸之一者田車之衡更無別文亦應與兵車乘車同鄭特言此二者都無正文且據尊者而言其田車之衡任亦當同也衡長六尺六寸五尺得一尺又以尺五寸得三寸又以一寸者為五分得一分故云衡圍一尺三寸五分其軻間以其一為之軸圍注軸寸五分寸之一也

圍亦一尺三寸五分寸之一與衡任相應疏

注釋曰上輿人云輪

崇車廣衡長參如一則軫間即車廣與衡長俱六尺六寸以六尺六寸五分取一與衡任同故軸圍亦一尺三寸五分寸之一與衡任相應也 十分其輻之長以其一為之當免之圍

注輻當伏免者也亦圍尺四寸五分寸之二與任正者

相應疏

注釋曰當免謂輿下當橫軸之處亦通計輻之軌前及隧總計一丈四尺四寸十分取一故輻

之伏免之處麤細之圍有一尺四寸五分寸之二與相應也

參分其免圍去一以為

頸圍

注頸前持衡者圍九寸十五分寸之九疏

注釋曰衡在輻

頸之下其頸於前而下持制衡馬之輔故云頸前持衡轅者也云圍九寸十五分寸之九者以前當免圍有一尺四寸五分寸之二今以一尺二寸三分之去四寸得八寸又以一寸者分為十五分二寸為三十分又以五

分寸二者為六分并三十分為三十六分三十分去十分得二十分六分者去二分得四分總得二十四分以十五分為一寸仍有九分在添前五分其頸圍去一以八寸總九寸十五分寸之九也

為踵圍注踵後承軫者也圍七寸七十五分寸之五十

一疏

注釋曰軾後承軫之處似人之足跗在後名為踵故名承軾處為踵也還以上注九寸十五分寸之

九計之取五寸去一寸得四寸仍有四寸九分在一寸為七十五分四寸為三百分又以十五分寸之九者轉為四十五分三百分五分去一去六十分得二百四十分四十五分者五九四十五為五分十五分寸之九去一九得三十六分并前總二百七十六分還以七十五分約寸取二百二十五分為三寸添前四寸為七寸餘有五十一是以鄭云圍七寸凡揉軾欲其孫而無弧深七十五分寸之五十一也

注孫順理也杜子春云弧讀為淨而不汙之汙玄謂弧木弓也凡弓引之中參中參深之極也揉輶之倨句如

二可也如三則深傷其力音義

孫音遜注同弧音胡杜音烏汙李音烏一音紆

疏

釋曰言揉者以火揉使曲也欲其孫者欲使順理揉之云無弧深者無得如弓之深弓之深大曲也注釋

曰玄謂弧木弓也者見於三倉六弓皆是角反張者也易云弦木為弓是木弓也云凡弓引之中參中參深之極也者弓之下制六尺引之三尺是中參深之極也云如二可也者六尺引二尺若然九尺得三尺則是弓一尺得三寸三分寸之一輶軌以前十尺國馬之輶深四尺七寸與二不相當者通計一丈四尺四寸并輿下數之故得二也二者輶總長丈四尺四寸且取丈二尺得四尺餘二尺四寸復得八寸總為四尺八寸是國馬之

翰猶不滿二之數也言二舉大而言

今夫大車之轆擊其登又難既克其

登其覆車也必易此無故惟轆直且無橈也注大車牛

車也擊輶也登上阪也克能也音義

夫音符擊竹二反覆芳服反易以鼓

反下注之易喻易同輶音周一音

疏

釋曰攻木之工有七輪人輿人造四

馬車自上以來所陳者是也車人造大車柏車羊車是駕牛車自在下車人今於此說大車者但輶人造輶主

為四馬車輶因說駕牛者亦須曲橈之意是以下文云是故輶欲頡頏典已下還說四馬之輶也此一經說牛車

輶不橈之意注釋曰知大車牛車也者車人大車柏車皆牛車又下文云縊其牛故知牛車也是故大

車平地既節輶擊之任及其登弛不伏其輶必縊其牛

此無故唯轅直且無橈也注池阪也故書伏作偁杜子

春云偁當作伏音義

繼一臂反劉一計反偁音逼

故登池者信任者

也猶能以登及其下池也不援其邸必緇其牛後此無

故唯轅直且無橈也注信任用力倍也故書緇作鯁鄭

司農云鯁讀為緇關東謂紂為緇鯁魚字音義

援音袁邸丁禮

反緇音秋鯁音秋與緇同

疏

注釋曰云故書緇作鯁先鄭云鯁讀為緇關東謂紂為緇者按方言車紂自關

而東韓鄭汝穎而東謂之為緇或謂之為曲綸自關而西為紂云鯁魚字者破故書為鯁也字猶名也既鯁是

魚名明不從故書也

是故輶欲頡典注頡典堅刃貌鄭司農云頡

讀為懇典讀為珍駟馬之轅率尺所一縛懇典似謂此

也音義

頡苦很反典音珍又勅珍反注同

疏

注釋曰此已下還說四馬車轅也先鄭云四馬之轅

率一尺所一縛者此即詩五檠梁輶一也

輶深則折淺則負注揉之大深傷

其力馬倚之則折也揉之淺則馬善負之音義

倚於綺反

疏

注釋曰揉之大深則如上弧深云馬倚之則折也者馬不倚深亦不折故以馬倚之乃折云揉之淺則馬善負之者輶直似在馬背負之相似故善負之本或作若負皆合義不須改也輶注則利準利準

則久和則安注故書準作水鄭司農云注則利水謂轅

脊上雨注命水去利也立謂利水重讀似非也注則利

謂輻之捺者形如注星則利也準則久謂輻之在與下

者平如準則能久也和則安注與準者和人乘之則安

音義

準音水又如字下及注皆同重直用反又直龍反

疏

注釋曰依後鄭讀當云輻注則利也準則

久也和則安也利準不重讀先鄭依故書準為水解之後鄭不從者輻輳之上縱不為雨注水無停處故不從也後鄭云輻之捺者形如注星則利也者此無正文亦是後鄭以意解之輻注謂形勢似天上注星車之利也云準則久者準平也亦水之類故以準為平解之云輻之在與下者平如準者輻平與亦平平則穩故得長久也云和則安注與準者和人乘之則安者注謂輻曲中以前準謂在與下前後曲直調和則人乘之安穩安知據人者見下文云終日馳騁左不倦又輻欲弧而無折云終歲御衣衽不澁是安據人可知也

經而無絕注揉輻大深則折也經亦謂順理也疏

注釋曰云

輻欲弧而無折者按上文云孫而無弧深此云欲弧而無折者此欲得如弧無使折無使折則不弧深亦一也此云經而無絕即上文欲其孫亦一也故鄭云經亦謂順理也進則與馬謀退則與人

謀注言進退之易與人馬之意相應馬行主於進人則

有當退時疏

注釋曰車是無情之物人馬則有情有情乃有謀今言車與人馬謀者若下文猶能

一取皆是喻其利也故鄭云言進退之易與人馬之意相應云馬行主於進人則有當退時者馬之進退由人縱止忍策及之惟知其進故云馬行主於進人則有當退時去住自由路遠則倦故當有退時終日馳

騁左不捷注杜子春云捷讀為蹇左面不便馬苦蹇輻

調善則馬不蹇也書棧或作券立謂券今倦字也軒和

則久馳騁載在左者不罷倦尊者在左音義

棧杜音蹇
鄭音倦便

婢面反

疏

注釋曰子春意據軍將乘車之灋將在中故
御者在左棧為蹇濫解之四馬六轡在御之

手而不在中央在於左故云左面不便馬苦蹇調善
則馬不蹇也云書棧或作券立謂今倦字也者以為尋

常在國乘車之灋尊在左御者中央故取上文和安解
之言軒和而久馳騁載在左者不罷倦尊者在左者曲

禮云乘君之乘車不敢曠左左必式
注云君存惡空其位是尊者在左也

行數千里馬不契

需注鄭司農云契讀為爰契我龜之契需讀為畏需之

需謂不傷蹄不需道里音義

契苦結反注同需音
須又乃亂反注同

疏

注

曰云先鄭云契讀為爰契我龜之契者詩之
文也需讀為畏需之需謂從易需卦之需 終歲御衣

衽不敝

注衽謂裳也音義

衽而甚反又而鳩反

疏

注釋曰禮記深衣續衽鉤邊者

據在旁屬帶處至於問喪云扱上衽及曲禮云苞屨扱衽不入公門此皆據深衣十二幅要間之裳皆是衽故

此注云衽謂裳也

此唯翰之和也

注和則安是以然也謂進則

與馬謀而下疏

注釋曰總結上進則與馬謀已下四經四者皆由翰和

勸登馬力

注登上也翰和勸馬用力馬力既竭翰猶能一取焉注

馬止翰尚能一前取道喻易進良翰環灑自伏兔不至

軌七寸軌中有灑謂之國翰注伏兔至軌盖如式深兵

車乘車式深尺四寸三分寸之二澗下至軌七寸則是半有澗也軌有筋膠之被用力均者則澗遠鄭司農云

澗讀為澗酒之澗環澗謂漆沂鄂如環音義澗子召反李音在學

反被皮寄反沂魚疏注釋曰經云自伏兔不至軌七寸斤反鄂五各反者是從內向外之言更云軌中有

澗者澗謂漆則七寸外軌內乃有澗云伏兔至軌蓋如式深者伏兔銜車軸在輿下短不至軌軌即輿下三面

材是也無伏兔處去軌遠近無文以意斟酌經云自伏兔不至軌七寸明七寸之外更有寸數故鄭云伏兔至

軌蓋如式深也即引兵車乘車式深一尺四寸三分寸之二為證此數即上云隧四寸三分一在外以揉其式

是也若然自伏兔至軌亦一尺四寸三分寸之二如是軌轅之深入式下半一尺四寸三分寸之二有七寸三

分寸之一直言半有濟者據七寸不言三分寸之一舉全數而言也言用力均者則濟遠者用力均謂軌前十尺并入式下曲直皆用力則漆入式下七寸是濟遠也先鄭讀濟為濟酒之濟者讀從士冠禮若不醴濟用酒之濟也云環濟謂漆沂鄂如環者指謂漆之文理也軫之方也以象地也蓋之圜

也以象天也輪輻三十以象日月也蓋弓二十有八以

象星也注輪象日月者以其運行也日月三十日而合

宿疏

釋曰此言總結上車及蓋取象之意云軫之方也以象地也者據輿方而言不言輿言軫者軫是輿

之本故舉以言之云蓋之圜也以象天也者即上與人所造者也云以象星者星則二十八宿一面有七角亢之等是也若據日月合會於其處則名宿亦名辰亦名次亦名房也若不據會宿即指星體而言星也注釋曰

云輪象日月者以其運行也日月三十日而合宿者輪乃運行之物至於日則一日行一度一年一周天月行十三度十九分度之七一月一周天又行一辰遂及日而合宿是日月亦是運行之物故以輪象之也

龍

旂九旂以象大火也注交龍為旂諸侯之所建也大火

蒼龍宿之心其屬有尾尾九星音義

旂音留宿音秀下同疏釋曰

以下為上造車車上皆建旂旂故因說旂旗之義也然此以下九旂七旂六旂四旂之旂旗皆謂天子自建非謂臣下知者以此九七六四不與臣下命相當故也若臣下則皆依命數然天子以十二為節而今建九旂七旂六旂四旂者蓋謂上得兼下也注釋曰云交龍為旂諸侯之所建也者皆司常文此既非臣下所建而鄭引司常者蓋取彼交龍以釋此旂因言諸侯亦建旂非謂此經論諸侯事云大火蒼龍宿之心者書大傳云夏大

火中可種黍菽及春秋火出皆此大火一也東方木色蒼東方七宿畫為龍故曰蒼龍日月季秋會於此星則曰宿角亢氐房心尾箕次比言之則曰心故云大火蒼龍宿之心也云其屬有尾尾九星者是九旂所象也言九旂若此正謂天子龍旂其上公亦九旂若侯伯則七旂子男則五旂大行人所云者是也

鳥旗七

旂以象鷄火也注鳥隼為旗州里之所建鷄火朱鳥宿

之柳其屬有星星七星疏

注釋曰云鳥隼為旗州里之所建司常職文州長中大夫

四命里宰下士一命皆不得建此七旂之旗言州里建旗者亦取彼成文以釋旗非謂州里得建七旂也云鷄火朱鳥宿之柳其屬有星星七星者南方七宿畫為鷄畫為鳥火色朱日月六月會于柳故云宿之柳也云其屬有星星七星者月令云旦七星中是也不指七星言柳乃云其屬有星者當鷄火三星柳為首故先舉其首

後言其屬也若然上心與尾別辰心非尾之首亦舉
心後言其屬尾者心為大辰雖非本辰亦為其首也熊

旗六游以象伐也注熊虎為旗師都之所建伐屬白虎

宿與參連體而六星音義

伐如字劉扶廢反參色林反

疏

注釋曰云熊虎為旗

師都之所建者亦司常職文云伐屬白虎宿與參連體而六星者西方七宿畫為虎金色白孟夏日月會則曰宿參伐六星為上下是連體也師都鄉遂大夫也鄉大夫雖是六命即得建六游遂大夫是中大夫四命即不得建六游此亦

龜蛇四游以象營室也注龜蛇為旄縣

鄙之所建營室玄武宿與東壁連體而四星音義

壁音壁

疏

注釋曰龜蛇為旄縣鄙之所建者亦司常職文縣正雖是下大夫四命鄙師上士三命即不得建四游此

亦謂天子所建也云營室玄武宿者玄武龜也有甲能禦捍故曰武水色玄孟春日月會故曰宿云與東壁連體而四星者營室是北方七宿室在東壁在西西壁而言東壁者據十月在南方壁在東故云東壁也此星一名室壁一名營室一名水春秋傳云水昏正而裁是也一名定定之方中是也

弧也注觀禮曰侯氏載龍旂弧韜則旌旗之屬皆有弧

也弧以張繆之幅有衣謂之韜又為設矢象弧星有矢也妖星有枉矢者蛇行有尾因此云枉矢蓋畫之音義

韜音獨慘所銜反本又作繆同為于偽反疏釋曰云弧旌者弧弓也旌旗有

枉矢者就旌旗張繆弓上亦畫枉矢於上云以象弧也者象天上弧星弧星則矢星也注釋曰引觀禮侯氏載

弧鞬而云旌旗之屬皆有弧者按司常云全羽為旌析羽為旌則無繆幅可張而云旌旗之屬皆弧者此二者無弧而云之屬者舉衆而言謂若司常注云九旗之帛皆用絳亦舉衆而言也云有衣謂之鞬者鞬鞬也以衣鞬其弓謂之弓鞬月令帶以弓鞬是也云又為設矢象弧星有矢也者天上弧星有枉矢即引孝經緯枉矢者蛇行有尾因此云枉矢蓋畫之知畫之者以其弓所以張幅幅非弦不可著矢故畫於繆上也按孝經援神契云枉矢所以射隱謀輕考異郵曰枉矢狀如流星蛇行有尾又天文志曰枉矢類大流星蛇行而蒼黑長數尺

攻金之工築氏執下齊冶氏執上齊鳧氏為聲卓氏為量段氏為鑄器桃氏為刀注多錫為下齊大刀削殺矢鑿燧也少錫為上齊鍾鼎斧斤戈戟也聲鍾鐸于之屬

量豆區脯也。鉞器田器錢鑄之屬。刃大刀刀劍之屬。音

義。

齊才細反。下及注皆同。段丁亂反。削如字。李音笑。下同。燧音遂。鉞音淳。區烏侯反。脯音輔。錢子淺反。疏

釋曰：此經與下為目。云築氏執下齊。治氏執上齊者。據下文六等言之。四分已上為上齊，三分以下為下齊。築氏為削，在二分中。上仍有三分，大刀之等，亦是下齊。若然，築氏於下齊三等之內，於此舉中言之。鬼氏為聲，按鬼氏為鍾，此言聲者。鍾類非一，故言聲以包之。故注云：聲鍾錘于之屬。桃氏為刃，按下文桃氏為劍，此言刃變言之者，亦是劍類，非一，故注云：刃大刀刀劍之屬也。注釋曰：云多錫為下齊者，據下文參分其金而錫居其一，謂之大刃之齊。云削殺矢者，即下文云五分其金而錫居二，謂之削殺矢之齊是也。云鑿燧也者，即下文金錫半，謂之鑿燧之齊是也。云少錫為上齊，鍾鼎斧斤戈戟也者，即上文四分其金而錫居一，謂之戈戟之齊已上。

皆是上齊若然見氏入上齊挑氏入下齊其稟氏為量
段氏為錙器亦當入上齊中云量豆區蹠也者左氏傳
晏子云齊舊四量豆區釜鍾四升為豆四豆為區各自
其四以登於釜釜十則鍾云錙器田器錢錙之屬者詩
云序乃錢錙注云錢鈔錙錙是也云刃大
刃刀劍之屬者桃氏為劍及刀皆大刀也

金有六齊注

目和金之品數六分其金而錫居一謂之鍾鼎之齊五
分其金而錫居一謂之斧斤之齊四分其金而錫居一
謂之戈戟之齊參分其金而錫居一謂之大刃之齊五
分其金而錫居二謂之削殺矢之齊金錫半謂之鑿燧
之齊注鑿燧取水火於日月之器也鑿亦鏡也凡金多

錫則忍白且明也音義

忍音刃

疏

釋曰上文蔡氏執下齊治氏執上齊今於此文

戈戟之齊在四分其金而錫居一之中則此已上六分其金與五分其金在上齊中參分其金已下為下齊中可知其斧斤在上齊上齊中惟有治氏造戈戟則斧斤亦當治氏為之矣注釋曰云取水火於日月之器也者司烜氏職文云凡金多錫則刃白且明也者刃白據大刃已下削殺矢等鑿燧入且明之內

築氏為削長尺博寸合六而成規注今之書刀疏

釋曰鄭云

今之書刀者漢時蔡倫造紙蒙恬造筆古者未有紙筆則以削刻字至漢雖有紙筆仍有書刀是古之遺瀆也若然則經削反張為之若弓之反張以合九合七合五成規也此書刀亦然馬氏諸家等亦為偃曲却刃也

欲新而無窮注謂其利也鄭司農云常如新無窮已敝

盡而無惡注鄭司農云謂鋒鏑俱盡不偏索也玄謂刃

也脊也其金如一雖至敝盡無瑕惡也音義

鏑五各反

冶氏為殺矢刃長寸圍寸銚十之重三垆注殺矢與戈

戟異齊而同其工似補脫誤在此也殺矢用諸田獵之

矢也銚讀如麥秀銚之銚鄭司農云銚箭足入橐中者

也垆量名讀為九音義

銚徒項反垆音九齊才細反橐古老反

疏

注釋曰云殺矢

與戈戟異齊而同其工者按上文戟在上齊內殺矢在下齊中是異齊今此同工不可也云似補脫誤在此也者按下矢人自造八矢殺矢彼已有此亦有是彼脫漏有人於彼補脫訖更有人補於此是誤在此也云殺矢

用諸田獵之矢也者司弓矢職文先鄭直云垓量名讀為丸者其垓是稱兩之名非斛量之號又讀為丸未知欲取何義後鄭引之在下者以其垓之度量其名未聞無以破之故引之在下也

戈廣二寸內

倍之胡三之援四之注戈今句子戟也或謂之雞鳴或謂之擁頸內謂胡以內接秘者也長四寸胡六寸援八

寸鄭司農云援直刃也胡其子音義

句古候反下句兵同秘音秘

疏

釋曰戈廣二寸者據胡寬狹云內倍之者據胡下柄入處之長胡三之據胡之長援四之據最上刺刃之長也注釋曰據此上下文戈與戟別而鄭云戈今句子戟戈戟共為一者據漢澆而言漢特見橫胡之句子戟云或謂之雞鳴者以其胡似雞鳴故也云或謂之擁頸者以其胡曲故謂之擁頸有此數名也云內謂胡以內接秘

者即柄也

已倨則不入已句則不決長內則折前短內則不

疾注戈句兵也主於胡也已倨謂胡微直而邪多也以

啄人則不入已句謂胡曲多也以啄人則創不決胡之

曲直鋒本必橫而取圜於磬折前謂援也內長則援短

援短則曲於磬折曲於磬折則引之與胡並鉤內短則

援長援長則倨於磬折倨於磬折則引之不疾音義

似邪

嗟反啄丁角反橫劉華孟反又如字折之設反

疏

釋曰此經論戈之所用主於胡故此經言胡之四疾之事

注釋曰云戈句兵也者下文廬人云句兵欲無彈鄭注云句兵戈戟屬是戈為句兵以其有胡子故為句兵也

云主於胡也者以胡為主言此者欲見此經戈不說援
專言胡之意也此經已皆為大也已倨謂胡頭大舒故
云胡微直而邪多也已句謂胡曲多者謂胡大橫也云
以啄人則創不決者橫則擁不削物故創不決也云胡
之曲直鋒本必橫而取圍於磬折者胡子橫捷微邪向
上不倨不向似磬之折救也云前謂援也者以其援在
上故云前云內長則援短者按上文內倍之四寸援四
之八寸並有定數若胡內長則胡向上侵援援無八寸
故云內長則援短短則曲於磬折曲於磬折者由胡
向上近援胡頭低胡頭低則曲於磬折也胡既與援
相近故援共胡並鈎並鈎則援折故云折前也云內短
則援長者胡內本四寸今胡近下為之胡下無四寸故
胡上援則長踰八寸矣故云內短則援長也云援長則
倨於磬折者以其由胡近下安之則頭舒頭舒則倨於
磬折也以頭舒
故引之不疾

是故倨向外博注博廣也倨之外胡之

裏也句之外胡之表也廣其本以除四病而便用也俗

謂之曼胡似此音義

便婢面反疏釋曰此經為除上四疾而生此文故云是

故謂起上義也注釋曰云倨之外胡之裏也句之外胡

之表也者倨謂胡上句謂胡下倨與句皆有外廣故云

倨之外胡之裏謂於胡下近本增之使廣句之外胡之

表謂於胡上近本增之使廣若然則胡本上下俱寬自

然合於磬折無上四疾而便用矣云俗謂之曼胡似此

者由胡外廣而本寬曼胡然俗呼為曼胡似此經所云

者也按莊公四年左氏傳楚武王荆尸授師子焉以伐

隨注云子句凡戟而無刃秦晉之間謂之子或謂之

鏹吳揚之間謂之伐東齊秦晉之間其

重三錡注鄭司

農云錡量名也讀為刷玄謂許叔重說文解字云錡鏹

也今東萊稱或以大半兩為鈞十鈞為環環重六兩

半兩鍍錡似同矣則三錡為一斤四兩音義

錡色劣反又音劣或

音環鍍戶闔反又于眷反稱尺證反

疏

注釋曰先鄭讀錡為刷取音同後鄭引許叔重說文解字云錡鍍也

者尚書呂刑有墨罰疑赦其罰百鍍及大辟千鍍許氏以此錡與尚書鍍為一云今東萊稱或以大半兩為鈞無文故王肅之徒皆以六兩為鍍是以鄭引許氏及東萊稱為證也云大半兩為鈞者凡數言大者皆三分之二為大三分之一為少以一兩二十四銖十六銖為大半兩也云十鈞為鍍者鍍則百六十銖二十四銖為兩用百四十四銖為六兩餘十六銖為大半兩是銖有六兩大半兩也云鍍錡似同矣者此從許君之說

戟廣寸有半寸內三之胡四之

援五之倨句中矩與刺重三鈿注戟今三鋒戟也內長

四寸半胡長六寸援長七寸半三鈿者胡直中矩言正

方也鄭司農云刺謂援也玄謂刺者著柲直前如鐔者

也戟胡橫貫之胡中矩則援之外句磬折與音義

中丁仲反

注同刺七賜反注同若直畧反

疏注釋曰鄭知此戟三鋒者見此經言援言

胡又言刺又按上文戈廣二寸援及接柲長一尺二寸

胡長六寸重三鈿此戟廣寸半援及接柲亦長尺二寸

胡長六寸狹於戈半寸亦重三鈿明知刺與援別為三鈿矣云三鈿者胡直中矩言正方也者經云倨句中矩

鄭云胡中矩則倨句中不中矩謂援為磬折故為倨句也

刺明刺與援別若不三鋒輕於戈不得同重三鋒也立
謂刺者著秘直前如鐸者也者謂於援胡之橫上中使
出者也但長短無文蓋與胡同六寸乃可充三鋒之數
也云戟胡橫貫之者胡六寸橫貫三寸直下三寸云胡
中矩則援之外句磬折與者援七寸半亦以三寸為橫
稍舉之使不中矩以四寸半者向上為磬折磬折向外
故云外句言與者以經直言偃句中矩鄭以意分中矩
於胡似偃句於援上為磬折故云與以疑之也若然讀
經偃句上屬必知三鋒胡向下者三鋒皆
向上者無用故廬人注句兵戈戟屬也

桃氏為劍臘廣二寸有半寸注臘謂兩刃音義

臘力闕反音獵

李魯疏注釋曰此劍兩刃與今同短則與類反疏今異言兩刃者兩面各有刃也

兩從半之注

鄭司農云謂劍脊兩面殺趨鏐疏

注釋曰謂劍脊兩面殺趨鏐鏐即鋒兩廂

俱然故云兩也 以其臘廣為之莖圍長倍之注鄭司農云莖謂

劒夾人所握鐔以上也玄謂莖在夾中者莖長五寸音

義

莖戶耕反夾古協反又古洽反下同 鐔戚音注徐劉音尋一音徒南反

疏

注釋曰二鄭意劒夾是柄

莖又在夾中即劒鐔是也 倍上臘二寸半故五寸也

中其莖設其後注鄭司農云

中謂穿之也玄謂從中以卻稍大之也後大則於把易

制音義

把劉音霸戚必雅反易以鼓反

疏

注釋曰先鄭云穿之謂穿劒夾內莖於中故云中其莖後

鄭意設訓為大故易繫辭云莖長裕而不設鄭注云設大也周禮考工曰中其莖設其後故云從中以卻稍大之後大則於把易制也 參分其臘廣去一以為首廣而圍之注首

圍其徑一寸三分寸之二疏

注釋曰此首廣謂劍把接刃處之徑也臘廣二寸半

參分去一二寸以一寸為六分二寸為十二分半寸為三分添十二為十五分三分去一得十分取六分為一寸餘四分名為六分寸之四六分寸之四即三分寸之二故云一寸三分寸之二也而圍之者正謂圍之故廣人皆以圍為圍之也身長五其莖長重九釐謂之上制上士服之

身長四其莖長重七釐謂之中制中士服之身長三其

莖長重五釐謂之下制下士服之注上制長三尺重三

斤十二兩中制長二尺五寸重二斤十四兩三分兩之

二下制長二尺重二斤一兩三分兩之一此今之匕首

也人各以其形貌大小帶之此士謂國勇力之士能用

五兵者也樂記曰武王克商禘冕搢笏而虎賁之士說

劔音義

禘音妓支反劉音卑笏音忽賁音奔說吐活反劉詩悅反

疏

注釋曰知上制長三尺者以其

言五其莖長上文長倍之莖長五寸五其莖長二尺五寸并莖五寸為三尺也以下皆如此計之可知重三斤十二兩者以其言九鈔鈔別六兩大半兩六九五十四為五十四兩九鈔皆有大半兩鈔別有十六鈔為百四十四兩十六兩為一斤取四十八兩為六兩添前五十四為六十兩三十六兩為一斤取四十八兩為三斤餘十二兩故云重三斤十二兩已外皆如此計之亦可知也云此今之匕首也者漢時名此小劔為匕首也云人各以形貌大小帶之解經上士中士下士非謂三命為上士之屬直以據形長者為上次者為中短者為下士云此士謂

國勇力之士能用五兵者也者此司右文彼不言勇力之士用劍而言勇力士者以樂記說劍之事知之故引之為證也武王克商在軍皆韋弁韋弁兵服克商還皆裨冕裨冕則五冕各以尊卑服之而助祭於明堂虎賁之士即勇力之士者也

鳧氏為鍾兩樂謂之鈇注故書樂作樂杜子春云當為

樂書亦或為樂鈇鍾口兩角音義

樂本又作鸞力端反鈇先典反疏注

曰樂鈇一物俱謂鍾兩角古之樂器應律之鍾狀如今之鈴不圓故有兩角也鈇間謂之于于

上謂之鼓鼓上謂之鈺鈺上謂之舞注此四名者鍾體

也鄭司農云于鍾脣之上祛也鼓所擊處音義

鈺音征祛丘書

反徐丘 疏注釋曰云此四名為鍾體對下甬衡非鍾體庶反也以于為祛者以鍾脣厚塞祛然故謂之祛

也 舞上謂之甬甬上謂之衡注此二名者鍾柄音義甬音

勇 鍾縣謂之旋旋蟲謂之幹注旋屬鍾柄所以縣之也

鄭司農云旋蟲者旋以蟲為飾也玄謂今時旋有蹲熊

盤龍辟邪音義旋如字李信犬反蹲音存盤注釋曰畔干反辟必亦反邪似嗟反疏後鄭舉

漢灋鍾旋之上以銅篆作蹲熊及盤龍辟邪辟邪亦獸名古灋亦當然也 鍾帶謂之篆篆間

謂之枚枚謂之景注帶所以介其名也介在于鼓鉦舞

甬衡之間凡四鄭司農云枚鍾乳也玄謂今時鍾乳俠

鼓與舞每處有九而三十六音義

篆直疏注釋曰云帶轉反所以介其名

也者介間也言四處則中二通上下畔為四處也舉漢灋一帶九古灋亦當然鍾有兩面面皆三十六也

于上之攤謂之隧注攤所擊之處攤弊也隧在鼓中窞

而生光有似夫隧音義

攤音靡劉亡奇反又莫賀反隧音遂窞劉烏車反徐於蛙反又

於圭反夫音符

疏注釋曰有二名者攤據所擊之處攤弊若禮記云國家靡弊是也隧者據生光而言故引

司烜氏夫隧彼隧若鏡亦生光窞而生光者本造鍾之時即窞於後生光

十分其銑去二以

為鈺以其鈺為之銑間去二分以為之鼓間以其鼓間

為之舞脩去二分以為舞廣注此言鈺之徑居銑徑之

八而銑間與鉦之徑相應鼓間又居銑徑之六與舞脩相應舞脩舞徑也舞上下促以橫為脩從為廣舞廣四分今亦去徑之二分以為之間則舞間之方恒居銑之四也舞間方四則鼓間六亦其方也鼓六鉦六舞四此鍾口十者其長十六也鍾之大數以律為度廣長與圍徑假設之耳其鑄之則各隨鍾之制為長短大小也凡言間者亦為從篆以介之鉦間亦當六今時鍾或無鉦

間音義

從子容反下同

疏

注釋曰此鍾從鼓鉦舞三處上下為十六口徑十而言故鄭云此鍾口十

者其長十六云鍾之大數以律為度廣長與圍徑假設之耳者按周語云景王將鑄無射問律於伶州鳩對曰律所以立均出度古之神瞽考中聲而量量以制度度律均鍾韋昭云均平也度律呂之長短以平其鍾和其聲也據此義假令黃鍾之律長九寸以律計身倍半為鍾倍九寸為尺八寸又取半得四寸半通二尺二寸半以為鍾餘律亦如是是以律為廣長與圍徑也此口徑十上下十六者假設之耳其鑄之形則各隨鍾之制為長短大小者此即度律均鍾也凡言間者亦為從篆以介之即所圖者是也云鈺間亦當六此經不言鈺間故鄭言之以其鼓間六舞間四鈺間方六可知經不言者可知故也今時或無鈺間者見此經無鈺間故也以

其鈺之長為之甬長注并衡數也音義

數色疏注釋曰主反知并衡

數以其衡不言其長又以鈺長六為甬長大長不類故并衡數也

以其甬長為之圍參

分其圍去一以為衡圍注衡居甬上又小疏

注釋曰以自兩樂已

上至甬皆下寬上狹衡又在甬上故宜小於甬一分故三分去一為衡也

參分其甬長二在

上一在下以設其旋注今衡居一分則參分旋亦二在

上一在下以旋當甬之中央是其正疏

注釋曰上文惟以其鉦之長為

甬長并衡數則未知衡與甬長短之定故云今衡居一分假令三分甬居二衡居一一則於甬中央下有一分上通衡有二分故云今衡居一分則參分旋亦二在上一下在下以旋當甬之中央是其正正謂上有二分下有
也 薄厚之所震動清濁之所由出侈弇之所由興有

說注說猶意也故書侈作移鄭司農云當為侈音義

說徐

始鏡反 疏釋曰此鍾薄厚之所震動由鍾體薄厚出聲

注同 震動有石有播也云清濁之所由出者清濁

據聲亦由鍾之厚薄云侈弇之所由興者由鍾口侈弇

所興之聲亦有柝有鬱按典同病鍾有十等此但言薄

厚侈弇者典同具陳於此畧言其意言猶

意者即下文已厚已薄不得所之意是也 鍾已厚則石

注大厚則聲不發音義 賀大音泰劉他 疏注釋曰典同 已

薄則播注大薄則聲散 疏注釋曰典同云薄聲甄鄭云

以聲散 則掉也 侈則柝注柝讀為咋咋然之咋聲大外也音義

柝側百反 疏注釋曰典同注云侈則聲迫 弁則鬱注聲

注柝同 疏注釋曰典同注云聲鬱勃不 長角則震注鍾

不舒揚疏 注釋曰典同注云聲鬱勃不 出與此注不舒揚亦一也

掉則聲不正音義

掉徒疏注釋曰典同云薄聲甄甄猶

聲掉此不據鍾體據甬長縣之

不得所則鍾掉故聲不正也 是故大鍾十分其鼓間

以其一為之厚小鍾十分其鈺間以其一為之厚注言

若此則不石不播也鼓鈺之間同方六而今宜異又十

分之一猶大厚皆非也若言鼓外鈺外則近之鼓外二

鈺外一音義

近附近疏注釋曰云鼓鈺之間同方六者

有大小不同明厚薄宜異不得同取六也云又十分之一猶大厚皆非也若言鼓外鈺外則近之者鄭不敢正言是故云近之云鼓外二鈺外一者據上所闕鼓外有鈺間乃鈺外有二間鈺外唯一間就外中十分之一為

鍾厚可也鍾大而短則其聲疾而短聞注淺則躁躁易竭也

音義

聞音問下同易以鼓反

鍾小而長則其聲舒而遠聞注深則

安安難息疏

釋曰此二者於樂器中所擊縱聲舒而遠聞亦不可是以樂記云止如槁木不欲遠

聞之驗也故鄭云深則安安難息也

為遂六分其厚以其一為之深而圜

之注厚鍾厚深謂窒之也其窒圜故書圜或作圍杜子

春云當為圜疏

釋曰此遂謂所擊之處初鑄作之時即已深而圜以擬擊也

臬氏為量改煎金錫則不耗注消凍之精不復咸也宗

古文或作歷立謂量當與鍾鼎同齊工異者大器音義

凍音練下同復扶又反咸洽
斬反本亦作減齊才計反
疏注釋曰言改煎金錫者如重煎謂之改煎也不

耗耗減也故鄭云消凍之精不復減也玄謂量當與鍾
鼎同齊工異者大器者按上文云鳧氏為磬卓氏為量
六等之中云六分其金而錫居其一謂之鍾鼎之齊是
上齊中不言卓氏為量在上齊中鄭以鳧氏為鍾鍾鼎
在上齊之中卓氏為量量是鍾類故知亦在上齊之中
矣故云量當與鍾鼎同齊也云工異者鳧氏為鍾不使
鳧氏兼造量器大雖
同齊使別工為之
不耗然後權之注權謂稱分之也

雖異濼用金必齊音義

稱尺疏注釋曰云稱分之也者證反謂稱金多少分之以擬

鑄器也云雖異法用金必齊者法謂模假令為兩箇副
即為兩箇模是異法用金必齊者器之用金多少必須
齊均
也
權之然後準之注準故書或作水杜子春云當為

水金器有孔者水入孔中則當重也玄謂準擊平正之

又當齊大小疏

注釋曰子春從故書為水謂以水齊器後鄭不從者此金未鑄器何得已有器

以盛水也後鄭以萍為平前經已稱知輕重然後更擊鍛金令平正之齊其金之大小也

準之然後

量之注鑄之於法中也量讀如量人之量疏

注釋曰此量謂既準

訖量金汁以入模中鑄作之時也言量讀如量人之量者夏官量人直以量地遠近及物多少此量是量金少多之事故讀從之也量之以為鬴深尺內方尺而圜其外其實一

鬴注以其容為之名也四升曰豆四豆曰區四區曰鬴

鬴六斗四升也鬴十則鍾方尺積千寸於今粟米灋少

二升八十一分升之二十二其數必容鬴此言內方耳

圓其外者謂之脣疏

釋曰言量之以為鬴者謂量金汁入模以為六斗四升之鬴云深尺

內方尺者此據模之形狀云圓其外者謂向下方尺者鬴之形向上謂之外邊口圓之又厚之以為脣云其實一鬴受六斗四升也注釋曰云以其容為之名也者此量器受六斗四升曰釜因名此器為鬴故云以其容為之名也云四升曰豆已下至則鍾左氏傳昭三年齊晏子辭連引豆區釜鍾者以其四者皆量器之名也云方尺積千寸者云方尺者上下及旁徑為方尺縱橫皆十破一寸一截一截得方寸之方百十截則得千寸也又云於今粟米法者算術有算粟為米之法故云粟米法也算法方一尺深尺六寸二分容一石如前以縱橫十截破之一方有十六寸二分容一升百六十二寸容一斗千六百二十寸容一石今計六斗四升為釜以百六

十二寸受一斗六斗各百為六百六斗各六十六六三
十六又用三百六十六斗又各二寸二六十二又用十
二寸總用九百七十二寸為六斗於千寸之內仍有二
十八寸在於六斗四升曰鬴又少四升未計八今二十
八寸取十六寸二分為一升添前為六斗一升餘有十
一寸八分又取一升分為八十一分以十六寸二分一
寸當五分十寸當五十分又有六寸五六三十分又當三
十分添前為八十分是十六寸當八十分也仍有十分寸
之二當一分都并十六寸二分當八十一分如是十一
寸八分於八十一分當五十九更得八十一分升之二
十二分始得一升添前為六斗二升
復得二升乃滿六斗四升為鬴也

其鬴一寸其實一

豆注故書鬴作脣杜子春云當為鬴謂覆之其底深一

寸也音義

鬴徒門反徐劉徒恩反覆方服反

疏

釋曰此謂鬴之底著地者故子春云覆之其底

深一寸也 其耳三寸其實一升注耳在旁可舉也疏釋曰此

在旁可舉謂人以手指舉之處 重一鈞注重三十斤疏

注釋曰此據律歷志三十斤曰鈞百二十斤曰石 其聲中黃鍾之宮注應律之

首音義 中丁仲反應 疏注釋曰十二辰各有律十二律

其聲中黃鍾之宮也不直言中黃鍾之聲而云之宮者 十二辰其變聲辰各有五聲則子上有宮商角徵羽五

聲具今之所中者中其宮聲不 中商角之等故以宮言之也 縣而不稅注鄭司農云

令百姓得以量而不租稅音義 縣古反疏注釋曰按鄭志

量縣而不稅塵人職有稅何答曰官量不稅若然此官 量鎮在市司所以勘當諸塵之量器以取平非是尋常

所用故不稅彼塵人所稅在肆常用者也

其銘曰時文思索允臻其極注銘

刻之也時是也允信也臻至也極中也言是文德之君

思求可以為民立法者而作此量信至於道之中音義

索所白反求也臻

疏釋曰自此至維則是黼器之上銘側巾反為于偽反正文注釋曰云刻之者正謂在模上

刻之非謂在器上刻今之鍾鼎為文亦爾

嘉量既成以觀四國注以觀示四

方使放象之音義

觀古亂反示也又如字注同放方往反

永啟厥後茲器

維則注永長也厥其也茲此也又長啟道其子孫使法

則此器長用之音義

道音導

凡鑄金之狀注故書狀作壯

杜子春云當為狀謂鑄金之形狀疏

釋曰此文與下為目自金與錫已下

東氏鑄冶所候煙氣以知生熟之節

金與錫黑濁之氣竭黃白次之黃白

之氣竭青白次之青白之氣竭青氣次之然後可鑄也

注消凍金錫精麤之候

段氏闕

函人為甲犀甲七屬兕甲六屬合甲五屬注屬讀如灌

注之注謂上旅下旅札續之數也革堅者札長鄭司農

云合甲削革裏肉但取其表合以為甲音義

屬之樹反下及注同

合如字舊疏注釋曰云屬讀如灌注之注者意取注著音闇注同疏注釋曰云屬讀如灌注之注者意取注著

旅之中及下旅之中皆有札續一葉為一札上旅之中續札七節六節五節下旅之中亦有此節故云札續之數也云革堅者札長者則五屬者以其堅壽年多即下經三百年者也

犀甲壽百年兕甲壽二百年合甲壽三百年注革堅者又支久凡為甲必

先為容注服者之形容也鄭司農云容謂象式疏注釋曰凡

造衣甲須稱形大小長短而為之故為人之形容乃制革也然後制革注裁制札之

廣袤疏注釋曰上旅七節六節節數已定更觀人之形容長大則札長廣短小則札短狹故云裁制札

之廣袤廣即據橫而言寬即據上下而說也權其上旅與其下旅而重若一

注鄭司農云上旅謂要以上下旅謂要以下音義

要於
遙反

下疏

釋曰謂札葉為旅者以札衆多故言旅旅即衆也
先鄭云上旅腰以上謂衣也下旅腰以下謂裳也

故春秋傳曰棄其甲裳者也

以其長為之圍注圍謂札要廣厚疏

注釋

曰此據一札之上先量上下之長乃以長中央圍之一帀如此則長短廣狹相稱也

凡甲鍛不摯

則不堅已敝則橈注鄭司農云鍛鍛革也摯謂質也鍛

革大孰則革敝無強曲橈也玄謂摯之言致音義

鍛亂
反丁

摯音至大音泰劉莧餓反致直置反下同

疏

注釋曰先鄭以摯為質後鄭不從者質即革之別名非生孰之

稱故後鄭為致致謂孰之至極也

凡察革之道眡其鑽空欲其窻也注

鄭司農云窻小孔貌窻讀為莞彼北林之莞音義

鑽作官反

空音孔又如字下同窻於阮反或云司農音鬱疏注釋曰先鄭云窻小孔貌者

今亦然讀如莞彼北林之莞者以音讀之眡其裏欲其易也注無敗歲也音

義易以豉反下同蕤音穢本或作穢眡其朕欲其直也注鄭司農云朕

謂革制音義朕直忍反橐之欲其約也注鄭司農云謂卷置

橐中也春秋傳曰橐甲而見于南音義橐音羔劉古道反卷眷勉反下

文疏注釋曰先鄭引春秋者按昭元年左氏傳鄭公孫黑與子南爭徐吾犯之妹適子南氏子膾怒既而

橐甲而見于南欲殺之彼以衣衷者甲謂之橐與此別引之者彼以衣藏甲為橐此亦以甲衣藏甲為橐藏甲

為橐相似故引以為證也舉而眡之欲其豐也注豐大疏釋曰此文與上經相

對舉之正謂於橐中取而舉之衣之欲其無斷也注鄭司農云斷謂如

齒斷音義衣於既反疏注釋曰人之齒斷前却不齊札斷戶界反葉參差與齒斷相似故以斷為

喻眡其鑽空而窻則革堅也眡其裏而易則材更也眡

其朕而直則制善也橐之而約則周也舉之而豐則明

也衣之無斷則變也注周密致也明有光耀鄭司農云

更善也變隨人身便利音義更音庚使疏釋曰此文歷

總結之也如面反序上文於此

鮑人之事注鮑故書或作鞞鄭司農云蒼頡篇有鞞

音義

鞞匹學反劉音模頡戶結反莞人充反

疏

釋曰此文與下經為總目注釋曰先鄭取蒼頡篇從

故書為鞞字者鮑乃從魚此官治皮宜從革故玄引先鄭於此取從革旁之義

望而眡之欲其

茶白也注韋革遠視之當如茅莠之色音義

茶音徒莠音酉又音

秀

疏

釋曰此官主革不主韋韋自韋氏為之鄭云韋革者夾句而言耳茶即茅莠也

進而握之

欲其柔而滑也注謂親手煩擱之音義

擱人專反劉而每反或如詢反

卷而搏之欲其無弛也注鄭司農云卷讀為可卷而懷

之之卷搏讀為縛一如瑱之縛謂卷縛韋革也弛讀為

既建而迪之之迪無迪謂單不麟音義

搏直轉反或除面反下同縛直

轉反瑱他見反本或作顛音同麟音虧又許皮反

疏

注釋曰先鄭云可卷而懷之論語文云搏讀為縛一

如瑱之縛者按昭二十六年左氏傳云以幣錦二兩縛一如瑱

眡其著欲其淺也注鄭

司農云謂郭韋革之札入韋革淺緣其邊也玄謂韋革

調善者鋪著之雖厚如薄然音義

著直略反下眡其著同札側八反劉側列

反鋪普吳反又音孚著之直略反又丁略反

察其線欲其藏也注故書線或

作綜杜子春云綜當為糸旁泉讀為緬謂縫革之縷音

義

線思賤反注緬同

單欲其茶白而疾澣之則堅注鄭司農云

韋革不欲久居水中音義

潞戶管反

欲其柔滑而脛脂之則

需注故書需作劓鄭司農云脛讀如沾渥之渥劓讀為

柔需之需謂厚脂之韋革柔需音義

脛於角反劉音屋需人兗反注同劓

而髓反又人兗

疏

注釋曰先鄭據詩云既沾既渥生我百穀

引而信之欲其

直也信之而直則取材正也信之而枉則是一方緩一

方急也若苟一方緩一方急則及其用之也必自其急

者先裂若苟自急者先裂則是以博為棧也注鄭司農

云棧讀為翦謂以廣為狹也玄謂翦者如棧淺之淺或

者讀為羊豬彘之彘音義

信音申劉音新下皆同棧音踐或山箭反棧音踐劉任顯

反彘劉音普見反依字才丹反字林昨善反沈云馬融音淺干寶為殘與周易彘彘之字同亦音素干反不知

其義或云字則如沈釋而羊豬彘之語未見出處俗謂羊豬脂為冊音素干反豈取此乎按周禮注殘餘字本

多作彘宜疏注釋曰先鄭讀棧為翦者翦亦是狹少之依殘音意後鄭轉棧為棧者從小戎詩小戎棧收

之棧讀為羊豬彘者義亦同按彼小戎詩棧者淺也謂車深四尺四寸其車廣六尺六寸是廣深不得是一方

緩一方急以博為淺以廣為狹之喻卷而搏之而不弛則厚薄序也注序

舒也謂其革均也眡其著而淺則革信也注信無縮緩

察其線而藏則雖敝不甌注甌故書或作鄰鄭司農云

鄰讀為磨而不磷之磷謂韋革縫縷沒藏於韋革中則

雖敝縷不傷也音義

鄰音各或作鄰音同注同

疏

注釋曰先鄭云鄰讀為磨而不磷之

磷者論語孔子辭

鞞人為臯陶注鄭司農云鞞書或為鞞臯陶鼓木也玄

謂鞞者以臯陶名官也鞞則陶字從革音義

鞞況刃反衆家並音

逆鞞音陶徒刀反

疏

注釋曰先鄭知臯陶鼓木者以上言為臯陶下即云長六尺有六寸鼓木之事明臯

陶即是長六尺六寸者故知也玄謂鞞者以臯陶名官者依先鄭從鞞為鼓木還以鞞為鞞人之官是臯陶官

名也鞞即陶字從革若然後鄭謂鞞人為臯陶不取鞞字為官名

長六尺有六寸左右

端廣六寸中尺厚三寸注版中廣頭狹為穹隆也鄭司

農云謂鼓木一判者其兩端廣六寸而其中央廣尺也

如此乃得有腹音義

穹起弓反下同

疏

注釋曰先鄭以經論鼓木一判更不言版數多

少而知得有腹者以版兩端廣六寸中廣一尺自然有腹可知

穹者三之一注鄭司農

云穹讀為志無空邪之空謂鼓木腹穹隆者居鼓三之

一也玄謂穹讀如穹蒼之穹穹隆者居鼓面三分之一

則其鼓四尺者版穹一尺三寸三分寸之一也倍之為

二尺六寸三分寸之二加鼓四尺穹之徑六尺六寸三

分寸之二也此鼓合二十版音義

邪似反疏注釋曰先鄭云穹讀為志

無空邪之空者無所指斥故後鄭讀從穹蒼之穹也先鄭云穹隆者居鼓三之一也者言猶未足故後鄭增成玄謂穹讀如穹蒼之穹者謂從詩云以念穹蒼者也云穹隆者下至合二十版此鄭所言皆從二十版計之乃得面四尺及穹之尺數經既不言版數知二十版者此以上下相約可知何者此鼓言版之寬狹不言面之尺數下經二鼓皆言鼓四尺不言版之寬狹明皆有鼓四尺乃鼓版之廣狹也若然下二鼓皆云鼓四尺明此鼓亦四尺據面而言若然鼓木兩頭廣六寸面有四尺二十版二六十二長丈二尺圍三徑一是一丈二尺得面徑四尺矣以此面四尺穹隆加三之一三尺加一尺其一尺者取九寸加三寸其一寸者為三分取一分并之得一尺三寸三分寸之一也此據一廂而言倍之為二尺六寸三分寸之二乃知鼓面四尺總為六尺六寸三

分寸之
二也
上三正注鄭司農云謂兩頭一平中央一平也

玄謂三讀當為參正直也參直者穹上一直兩端又直

各居二尺二寸不弧曲也此鼓兩面以六鼓差之賈侍

中云晉鼓大而短近晉鼓也以晉鼓鼓金秦音義

三音參七

南反近附
近之近
疏注釋曰先鄭據經云三正解之亦得合義
但不定尺寸之數雖言三平恐平中有長

短故後鄭增成之云三當讀為參正直也參直者穹上
一直兩端又直各居二尺二寸是三零尺數等是為參

直也云不弧曲也者下臯鼓倨句蔡折即弧曲不參直
故引證此為與彼異也云此鼓兩面而下經二鼓言四

尺之面此經不言四尺之面故言之對祭祀三鼓四面
已下云以六鼓差之者鼓人雷鼓祀天靈鼓祭地路鼓

享鬼下二鼓據鼓人賁鼓鼓軍事畢鼓鼓役事惟此鼓經不言其名五鼓已配訖惟有晉鼓當此鼓可知故引賈侍中云晉鼓大而短近晉鼓也此後鄭所解也云晉鼓鼓金奏者鼓人文也

鼓長八尺鼓四

尺中圍加三之一謂之鼗鼓注中圍加三之一者加於

面之圍以三分之一也面四尺其圍十二尺加以三分

一四尺則中圍十六尺徑五尺三寸三分寸之一也今

亦合二十版則版穹六寸三分寸之二耳大鼓謂之鼗

以鼓鼓軍事鄭司農云鼓四尺謂革所蒙者廣四尺

音義

賁扶云反本或作鼓又作鼗皆同

疏

釋曰云鼓四尺者謂鼓面也云中圍加三之一者謂將中

央圓加於面之圓三分之一也注釋曰云面四尺其圓十二尺加以三分一四尺者添四面圍丈二尺為十六尺然後徑之十五尺徑五尺餘一尺取九寸徑三寸取餘一寸者破為三分得一分總徑五尺三寸三分寸一此言中圍加三之一與上穹三之一者異彼據一相之穹加面三之一故兩相加二尺六寸三分寸二此則於面四尺總加三分之一則總一尺三寸三分寸一若然此穹隆較少晉鼓一尺三寸三分寸之一也與彼穹隆異也云今亦合二十版者此經云鼓四尺若不二十版亦不合此數也云則版穹六寸三分寸二者此亦據一相而言云大鼓謂之鼗者鼗訓為大對晉鼓長六尺六寸而言若對下文臯鼓長丈二尺則彼又大矣云鼓鼓軍事者為臯鼓長尋有四尺鼓四尺倨句磬折注以臯鼓鼓後事磬折中曲之不參正也中圍與鼗鼓同以

磬折為異疏

注釋曰云以臯鼓鼓後事者鼓人文磬折中曲之不參正也者磬折者麗處近上故

不得參正也

凡冒鼓必以啟蟄之日注啟蟄孟春之中也蟄

蟲始聞雷聲而動鼓所取象也冒蒙鼓以革

注釋曰云啟蟄孟春

之中也者正月立春節啟蟄中故云中也云蟄蟲始聞雷聲而動者蟄蟲啟戶由聞雷聲是鼓所取象故以此時冒之按月令仲秋云雷乃始收注雷乃收聲在地中動內物則此云孟春始聞雷聲而動者亦謂未出地時故蟄蟲聞之而動至二月即雷乃發聲出地蟄蟲啟戶而出故月令仲春云日夜分雷乃發聲蟄蟲咸動啟戶是也

良鼓瑕如積環注革調急也疏

注釋曰瑕與環皆謂漆之文理謂革

調急故然若急而不調則不得然也

鼓大而短則其聲疾而短聞音義

開音

問下 鼓小而長則其聲舒而遠聞疏釋曰此乃鼓之病大小得所如上三

者所為則無此病

韋氏闕

衷氏闕

畫續之事雜五色東方謂之青南方謂之赤西方謂之白北方謂之黑天謂之玄地謂之黃青與白相次也赤與黑相次也玄與黃相次也注此言畫續六色所象及布采之第次續以為衣疏釋曰此一經言次次畫於衣之事畫續並言者言畫是總

語以其績繡皆須畫之言績則據對方而言自東方已下是也自言東方謂之青至謂之黃六者先舉六方有六色之事但天玄與北方黑二者大同小異何者玄黑雖是其一言天止得謂之玄天不得言黑天若據北方而言玄黑俱得稱之是以北方云玄武宿也青與白相次已下論績於衣為對方之澹也注釋曰鄭云畫績六色所象者解經地謂之黃已上文云及布采之第次者解經青與白已下文云績以為衣者案虞書云予欲觀古人之象日月星辰山龍華蟲作績是據衣而言績故鄭云績以為衣也

青與赤謂之文赤

與白謂之章白與黑謂之黼黑與青謂之黻五采備謂

之繡注此言刺繡采所用繡以為裳疏

釋曰此一經皆比方為繡次凡

繡亦須畫乃刺之故畫繡二工共其職也注釋曰云繡以為裳者案虞書云宗彝藻火粉米黼黻絺繡鄭云絺

秩也謂刺繡於裳故鄭云刺以為裳也衣在上陽
陽主輕淨故畫之裳在下陰陰主沈重故刺之也土以

黃其象方天時變注古人之象無天地也為此記者見

時有之耳子家駒曰天子僭天意亦是也鄭司農云天

時變謂畫天隨四時色疏

釋曰此乃六色之外別增此
天地二物於衣故於下特言

之也注釋曰鄭云古人之象無天地也者此據虞書日
月已下不言天地云為此記者見時有之耳者古人既
無天地若記者不見時君畫於衣記人何因輒記之為
經典也子家駒曰天子僭天意亦是也者按公羊傳云
昭公謂子家駒云季氏僭于公室久矣吾欲殺之何如
子家駒曰天子僭天諸侯僭天子彼云僭天者未知僭
天何事要在古人衣服之外別加此天地之意亦是僭
天故云意亦是也先鄭云天時變謂畫天隨四時色者

天逐四時而化育四時有四色今畫天之時天無形體當畫四時之色以象天地若然畫土當以象地色也

火以圜注鄭司農云為圓形似火也玄謂形如半環然

在裳音義

圓音環

疏

注釋曰先鄭云為圓形似火也後鄭云如半環然此亦與先鄭不別增減

之耳孔安國以為火字也與此別也知在裳者虞書藻火已下皆在裳

山以章水以龍注

章讀為獐獐山物也在衣齊人謂麋為獐龍水物在衣

音義

獐音章麋音倫反

疏

注釋曰馬氏以為獐山獸畫山者并畫獐龍水物畫水者并畫龍鄭即以

獐表山以龍見水此二者各有一是一非古人之象有山不言獐有龍不言水今記人既有獐有水此可畫山

兼畫獐畫龍兼畫水何有棄本而遵末也鳥獸蛇注所謂華蟲也在衣蟲之

毛鱗有文采者疏

注釋曰云所謂華蟲也者所謂虞書云山龍華蟲攸畫華蟲次在龍下此

文亦次龍下故知當華蟲也言華者象章華言蟲者是
有生之總號言鳥以其有翼言獸以其有毛言蛇以其
有鱗以首似驚亦謂之驚冕也故云蟲之毛鱗有文采
也虞書有十二章於此惟言四章又兼言天地而不云
日月星辰與宗彞者記人之言略說之耳雜四時五色之位以章之謂之巧

注章明也績繡皆用五采鮮明之是為巧疏

注釋曰此經總結上

文也上有六色此言五者下別言
素功故言五或可玄黑共說也

凡畫績之事後素功

注素白采也後布之為其易漬汙也不言繡繡以絲也

鄭司農說以論語曰績事後素音義

為于徼反
易以致反

鍾氏染羽以朱湛丹秫三月而熾之注鄭司農云湛漬也丹秫赤粟玄謂湛讀如漸車惟裳之漸熾炊也羽所

以飾旌旗及王后之車音義

湛子潛反或子鷓反又音鳩秫音述漸子潛反下漚

漸疏釋曰染布帛者在天官染人此鍾氏惟染鳥羽而
同疏已要用朱與秫則同彼染祭服有玄纁與此不異
故也案染人云春暴練夏纁玄注云石染當及盛暑熱
潤始湛研之三月而後可用若然云以朱湛丹秫三月
而熾之熾之當及盛暑熱潤則初以朱湛丹秫當在春
日豫湛至六月之時即染之矣注釋曰玄謂湛讀如漸
車惟裳之漸者讀從衛詩也云羽所以飾旌旗及王后
之車者司常云全羽為旒析羽為旌自餘旌旗竿首亦
有羽旒中車有重翟厥翟車之等皆用羽是也案夏
采注云夏采夏翟羽色禹貢徐州貢夏翟之羽有虞氏

以為綏後世或無故染鳥羽象而用之謂之夏采此是鍾氏所染者也

淳而漬之注淳沃

也以炊下湯沃其熾烝之以漬羽漬猶染也音義

淳章均反

注及下同疏

注釋曰上熾之謂以朱湛丹秫三月末乃熾之即以下湯淋所炊丹秫取其汁以染鳥羽而

又漸漬之也

三入為纁五入為緌七入為緌注染纁者三入

而成又再染以黑則為緌緌今禮俗文作爵言如爵頭色也又復再染以黑乃成緌矣鄭司農云以論語曰君子不以紺緌飾又曰緌衣羔裘爾雅曰一染謂之緌再染謂之纁三染謂之纁詩云緌衣之宜兮玄謂此同色

耳染布帛者染人掌之凡玄色者在緇緇之間其六入

者與音義

纁許云反緇側留反劉祖侯反復扶又反紺古闇反緇倉絹反范倉亂反窺勅貞反本又

作輶亦作

疏注釋曰凡染纁玄之纁取爾雅及此相兼纁與音餘乃具按爾雅一染謂之緇再染謂之窺三

染謂之纁三入謂之纁即與此同此三者皆以丹秣染之此經及爾雅不言四入及六入案士冠有朱紘之文

鄭云朱則四入與是更以纁入赤汁則為朱以無正文約四入為朱故云與以疑之云論語曰君子不以紺緇

飾者淮南子云以涅染紺則黑於涅涅即黑色也纁若入赤汁則為朱若不入赤而入黑汁則為紺矣若更以

此紺入黑則為緇而此五入為緇是也紺緇相類之物故連文云君子不以紺緇飾也若更以此緇入黑汁即

為玄則六入為玄但無正文故此注與士冠禮注皆云玄則六入與更以此玄入黑汁則名七入為緇矣但緇

與玄相類故禮家每以緇布衣為玄端也云禮俗
文作爵言如爵頭色者以其爵赤多黑少故也

筐人

關

幌氏凍絲以浼水漚其絲七日去地尺暴之注故書浼
作湄鄭司農云湄水溫水也玄謂浼水以灰所泔水也

漚漸也楚人曰漚齊人曰淩音義

幌音茫凍音練下同
浼書銳反漚烏豆反

李又烏侯反暴步卜反劉步莫反下同湄劉音眉一音
奴短反泔子禮反淩烏禾反又於偽反一音乃罪反

疏注釋曰諸家及先鄭皆以浼水為溫水後鄭獨不從
者禮有浼齊謂泔酒為浼則此浼亦當泔灰汁為浼

故不從溫水也云齊
人曰淩者亦是漚義
晝暴諸日夜宿諸井七日七夜是

謂水凍注宿諸井縣井中凍帛以欄為灰渥淳其帛實

諸澤器淫之以蜃注渥讀如繒人渥管之渥以欄木之

灰漸釋其帛也杜子春云淫當為涅書亦或為湛鄭司

農云澤器謂滑澤之器蜃謂灰也士冠禮曰素積白履

以魁桴之說曰魁蛤也周官亦有白盛之蜃蜃蛤也玄

謂淫薄粉之令帛白蛤今海旁有焉音義

欄音練李又來踐反或音

蘭渥烏豆反與漚同注渥管同蜃常軫反繒似陵反管

古顏反湛子潛反冠古亂反屨九具反魁苦迴反又作

魁桴方于反蛤古盍

疏注釋曰鄭云渥讀如鄙人渥管
反粉如字劉方問反之渥者按哀八年吳伐魯云初

武城人或有因於吳竟曰馬拘鄆人之漚管者曰何故
使吾水滋是其事引士冠禮曰素積白履以魁柎之者
謂皮弁服白布衣而素積以為裳屨裳
同色故素積白履白屨以屨灰柎之也清其灰而盪之

而揮之

注清澄也於灰澄而出盪晞之晞而揮去其盪

音義

盪音鹿揮去起

呂反

而沃之而盪之而塗之而宿之注更

屋澤

之明日

沃而盪之注朝更沃至夕盪之又更沃至

旦盪之亦七日

如漚絲也音義朝此一宇張遙反餘皆朝廷之朝晝暴

諸日夜宿諸井七日七夜是謂水凍

疏釋曰凍帛凍絲者有三癘上文

為灰凍癘此文是水凍癘也

周禮注疏卷四十

周禮注疏卷四十考證

輶人田馬之輶疏駕馬高七尺○駕當作駮見夏官庾

人職文

五分其頸圍去一以為踵圍注踵後承軫者也疏輶後
承踵之處○輶監本訛作踵殆因注文而誤也今改
正

良輶環灑疏即上云隧四寸三分一在外以揉其式○
隧下脫四尺二字四尺四寸隧深之度也

冶氏是故倨句外博疏或謂之鑪吳揚之間謂之伐○
揚雄方言鑪作鑪伐作戈

桃氏兩從半之疏謂劍脊兩面殺趨鐔○脊訛刃依注
改正

鳧氏洗間謂之于疏對下角衡○角監本訛作角今從
下文舞上謂之角角上謂之衡改正

十分其銑疏古之神瞽考中聲而量量以制度度律均
鍾○國語作考中聲而量之以制度律均鍾此引之

略有異同

鮑人之事注蒼頡篇有鮑斃○斃當作斃從瓦諸本皆訛說已見攻皮之工注

韞人凡冒鼓必以啓蟄之日注啓蟄孟春之中也○以啓蟄為正月中與今法異

畫績之事山以章水以龍○此二句舊分二節今從疏合解之故為一節

周禮注疏卷四十考證